

D. O. M. A.

1.1.34.

ΔΙΑΣΚΕΨΙΣ PHI-
LOSOPHICA,

De

MAGICIS ACTIONI-
BUS EARUMQUE PRO-
BATIONIBUS,

*Publicæ Disputationis loco in alma Academia
Wittebergensi instituta,*

PRÆSIDE

JACOBO MARTINI,

Logices & Philos. Pract. P. P,

RESPONDENTE

HENRICO NICOLAI,

Dantisc. Boruffo.

EDITIO SECUNDA,



Typis CHRISTIANI THAM, Acad. Typogr.

M DC XXIII.

~~7440D700~~

13K

DISPUTATIO PHILOSOPHICA,
DE MAGICIS ACTIONIBUS
EARUMQUE PROBATIONIBUS.

T H E S I S I.

Verissimè Philosophiæ moralis solertissimus indagator *Piccolomineus* scientiam nostram formosulam quandam opinationem, & *Scaliger* umbram in sole (*exerc. 307. f. 12.*) esse asserunt. Verissimè certè. Cum ad rerum intellectiōem mentis nostræ acies tam sit imbecilla, quam Nycticoracis oculus ad Solem intuendum. 2. *Metaph. c. 1. Scalig. ex 1. f. 1.* & in magno versemur periculo, ne nostra sententia humi repat circa sola accidentia, dum nulla nobis forma planè & plenè nota. Et quodammodo non nisi per *πειρασὶς* cognita sit. Hic si quis miretur, nominet formam illam, nominet formam lapidis, & Phyllida solus habebit, ingeminante eodem *Exer. 307. f. 12.* Hæc quærimonia cum de formarum materialium nostris quotidie oculis obversantium confusa cognitione sit vera, quantus quantus de essentiis spiritualibus earumq; actionibus, scientia erit plangor & angor! Certè si ullibi locum invenit tritum illud: *δύσκολα τὰ καλὰ*: hic de intelligentiarū actionibus omninò invenit. Harum autem cum tria in primis sint genera, circa unum *Ἀνάγκη* præsens occupata erit, non quidem quoad essentiam obscurissimam, sed solas duntaxat effectiōes. NON circa summi illius DEI, quippe qui propter immensitatem luce sua aciem obruit humani intellectus. Nec circa animarum immortalium: sed circa mediōrum spirituum, Intelligentiarum scilicet, earumque malarum actiones, quæ *Magica* indigiri solent, intellectus hac vice versabitur, quid in præsentē *de Magicis actionibus*, de quibus passim mirè dictum & scriptum, negotio, verum falsumne sit, disquisiturus.

II. Principio *Actiones Magicas*, *Physicæ* adeoq; *Philosophicæ* considerationes esse facillè liquet. Etsi enim in illis primum illud mo-

vens, Dæmon scilicet, considerationis Physicæ non omninò sit: subiectum tamen, quod movetur, atq; ipse motus, alteratio, motus localis, contemplationi Physicæ sunt subiecta. Quia item subiectum, quod movetur à Dæmone, ut plurimum violenter afficitur, omne autem violentum naturale præsupponit eodemq; reducitur. *5. Physic. c. 6. r. 57.* Magici utiq; motus, quippe violenti in Naturali scientia, ubi de motibus naturalibus disceptatur, considerandi erunt. Nec est quod objicias: *Formas abstractas à Metaphysico considerari. E & motum istarum formarum ad Metaphysicam ablegari debere.* Est enim diversus formarum considerandi modus. Metaphysicus formas istas agnoscit esse motores æternos. Physicus eas admittit ut tales: Metaphysicus ut subiectum: Physicus ut principium in sua scientia illas considerat: Metaphysicus novit, quid sint abstractæ formæ: Physicus solum, quod sint.

*Quæstio I.
An sint
Magi?*

III. Sed ut ad rem deveniamus, de Magia, quam hac disceptatione ventilandam proposuimus, & Magis duplex in primis volvitur quæstio: I. *An sit Magia?* II. *An talis sit, qualis esse perhibetur.* Esse Magos Diabolicos, etsi impudenter satis à nonnullis fuerit negatum, de quibus *Bodinus præf. libr. dæmon.* præter tamen S. Scripturæ auctoritatem omni exceptione maiorem *Exod. 7. v. 11. c. 8. v. 18. Lev. 19. v. 31. Deut. 18. v. 10. I. Sam. 28. v. 7. Act. 8. v. 1. c. 33. v. 1.* multi tùm Ethnicorum, *Aristot. l. de miraculis auditis, Plutarchus lib. de invidia & odio. Cicero l. 1. de natur. Deor. Plinius aliquot locis, 25. nat. lib. c. 9. l. 26. c. 4. imprimis verò l. c. 30. c. 2.* tùm singuli populorum confirmant. Frequens enim apud omnes Magorum est mentio. Fuitq; nomen apud Persas honoratissimum atq; amplissimum, nihil enim aliud, quàm sapientem notabat. *Ælian. l. 2. var. hist.* imò ipsis Regibus tribuebatur. *Peucerus l. de divin. Cicero l. de divin.* Nunc autem odiosum fecit colluvies impostorum, ut Magorum nomen à Sacerdotibus & Philosophis sanioribus devenerit ad eos, qui fœdere cum Diabolis inito se illi quocunq; modo obligant, adeoq; *Magus* hodie num vocetur, qui ex fœdere facto Diaboli opera ad rem quamcunq; utitur. *Magia* verò artificium à Diabolo traditum, quo Dæmones moniti aut evocati à confederatis suis ea præstant, quæ requirunt.

*Quæstio II.
An Magia sit
talis, qualis
esse perhibetur?*

IV. Quid primò disceptetur adhuc vidimus. Alterum, quod venit in Controversiam, est explicatu difficilimum; nimirum: *An Magia sit talis, qualis esse perhibetur?* hoc est, An ea, quæ de Magis narrantur,

rantur, verè sint talia, qualia esse jactantur. Ut quando conventicula adire, commestationes celebrare, hominem in bestias transmutare dicuntur, an ea revera ita se habeant? Equidem quæ de Magis referuntur, varii sunt generis: dupliciter dispesci commodè possunt: Aut enim ipsis accidunt Magis, & hoc vel ad animum vel ad corpus: aut à Magis in alios derivantur.

V. Eorum, quæ magis ipsis evenire narrantur, duo inprimis sunt. PRIMUM EST, *Animi Magorum extra corpus abreptio, & ad nocturna comitia (auff den Blocksberg) translatio.* De hac Controversia occurrit. *Possintne animi Magorum vi Diabolica extra Corpora abripi, & ad Pa-*
negyres suas ferri? Bodinus animi hanc abreptionem revera contingere statuit l. 2. dem. c. 5. Nos negativam defensuri argumentamur:
 I. *Corpus Magi*, cujus animus exspatiatus & abreptus dicitur, aut erit vivum aut mortuum. Si vivum. E. animatum. At hoc non, cum nihil possit esse animatum sive anima, quippe quod contradictionem involvit. Si mortuum. E. poterunt mortui vi Dæmonum resuscitari. Quod miraculorum & solius Dei proprium artibus Magicis nulla ratione effici potest. *Deut. 32. v. 39. Sap. 16. v. 13. I. Si animus Magorum extra corpus abripitur, corpus autem sopitum domi restat, (scilicet) pissimè autem eo ipso tempore, quo profectos ad sua comitia se fuisse affirmarunt, domi stertere visi sunt Magi. Bodin. l. 2. c. 5. Camerac. Cent. 1. meditat. c. 72.)* erunt aut duo *ὁψις & ψυχή*, aut unum. Prius est absurdum, una enim ut hominis essentia ita & existentia, nulla quæ vi Magica duplex reddi potest, cum essentia & existentia re non discernantur. *Posterius esse non potest, cum & animus extra corpus abreptus sua propria, & corpus domi relictum suâ subsistentia subsistat, unde duæ unius hominis oriuntur subsistentiæ.* Non itaque incommodè *ἐκστασις* hanc quis definierit sensuum externorum ad interna conversionem talem, ut nec passio corporea, nec motus externus percipiatur. Quemadmodum *Plinius lib. 2. c. 52.* Hermotinam quendam Clazomenium ita in excessum mentis abreptum, tradit, ut corpus ejus mortuum & sensus expertus subsiderit. Nec minus verè cum *Peucero l. de div. ludibrium dæmonis*, quo ille revocatione *ἐκστασις* ad sese ceu ex morte in vitam conatur effingere opus resuscitationis mortuorum, solius Dei proprium, Diabolo inimitabile.

Eorum quæ ipsis Magis evenire narrantur.

I. Quæstio: Possintne animi Magorum vi Diabolica extra corpora abripi, & ad Pa-negyres suas ferri?

- Obiectio I.** VI. Objeceris verò. I. Abrepti illi seu ἐκτετνημένοι dicta statutaq; hora re-
vertuntur, quod non fieret, si vel somno tantum occumberent, vel sensus ad in-
terna conversi essent. Resp. Obiectio hæc ambitionem animæ non
probat. Quid enim si somno arte Diabolica & pharmacorum na-
turâ evocato devincti teneantur Magi, annon justo tempore, quo
Dæmoni visum fuerit, ab eò excitari possunt; inprimis cum ipsi
tandem fabulæ totius actori, somnum confederatis suis inducere,
eundemq; ubi lubitum fuerit, abrumperet & finire operosum non
sit. Atqui, inquis; Magi nec verbera nec ignustiones morantur, Non autem pot-
est esse somnus tam profundus, quem ignis cuti admotus non excutiat. Resp.
Ea narcoticorum vis esse perhibetur, ut somno devinctos nec tri-
duo dimittant. An ergo sopiti hi dolores senserint? Turcie eos,
quos castraturi sunt, his narcoticis portionibus ita soporant, ut
nec dolores, nec verbera aut ignustiones morentur. Bodinus l. 2. d. em.
- Obiectio II.** c. 5. II. Obicies: F A T E N T U R ipsi Magi, se animo extra corpus abripi, cor-
pore domi relicto. Cardanum scribere aut hoc est Bodinus. l. 2. c. 5. se cum lube-
ret, per ecstasin extra corpus rapi aded, ut corpus maneret ἀναίσθητον. Resp.
Confessio Magorum partim nil probat, est enim corrupti animi
& iudicii: Partim nil probat aliud, quam somniasse vel vidisse se
aliquid, qua autem ratione, an animi extra corpus abreptione, an
corporis ipsius exportatione, non probat. Quin pervertit sensus
suorum ita diabolus, ut abreptos se fuisse deinde gloriantur.
- Obiectio III.** VII. Obicis III. Multas locorum & personarum aliaq; materiata
conditiones à sua professione enarrant Magi, quæ vera esse deprehenduntur, imò
multas delitias, epulas, commestationes, aliaq; innumera referunt reversi.
Corpus autem domi visum est stertere. E. oportet animus à corpore fuerit so-
lutus. Resp. Hæc obiectio tantum abest, ut animi à corpore distra-
ctionem probet, ut potius eam ipsam impugnât. Si enim referunt
quædam à sua professione Magi, non utiq; mens erit à subjecto
sejuncta & ex corpore abrepta, utpote quæ à materia separata ta-
lia neque facit, neque patitur, neque ullo modo ita, ut referunt,
sentit. Commestationes igitur, de quibus gloriantur Magi, sunt
meræ incantationes & præstigiæ Diabolicæ, quibus miserorum
hominum mentes obfascinat veterator ille, ut ea sibi exercere ho-
mines dementati videantur, quæ nulla sunt. Hinc per somnum so-
mnia monet prodigiola, quibus volare, commestari, tripudia ex-
ercere sibi videntur Magi, quæ deinceps etiam pro veris constan-
ter

ter asseverant. Et ut manifestius evadant dicta, insigne refert exemplum cujusdam, quod addere operæ pretium fuit visum *Cammerarius c. 1. med. c. 27.* cui, cum harum rerum studio tenebatur, evenit aliquando, ut repente ablati domo sisteretur in loco amœnissimo, ubi cum totam noctem spectasset choreas, indulgissetq; epulis, mane ubi omnia illa disparuissent, vidit se in spinis inter densissimos vepres hæere; & quamvis sibi visus fuisset comedere, fame tamen ferè conficiebatur. Ita suis illudit artifex. *Veruntamen, Exceptio.* inquis, interdum Magi reversi literas, cultellumve eorum, qui absunt longissime, secum reportant, corpore ante oculos multorum jacente immoto. E. animus revera exspatiatur. *Resp.* Nihilominus. Ipse enim dæmon sub *Responsio.* nomine Magi ea efficit, & quo efficiat commodius, oculos astantium obfascinat, Magisq; cultellos subreptos, quos ostendant, tradit, ut ita astantes revera ea à Mago fieri existiment, quæ Diabolus alicuius oculorum aciem anteverteente efficit: corpore interim sopito ante oculos multorum relicto.

IX. IV. Corpora Magorum interdum per aërem vehuntur & exportantur, de quo apud omnes constat. At hoc est contra naturam. E. & animi exspatiatio, licet contra naturam videatur, non tamen neganda est. *Resp. 1. Cor. Responsio.* Corpora Magorum in sublimem per aëra vi Dæmonium vehi contra naturam non est, sed solum violentum. Potest enim tanta esse externi motoris vis, ut etiam contra quam propensum sit mobile, impellat. Sic nonnunquam integræ moles saxorum à ventorum vehementissimo motu in sublimem per aërem hac atque illac factitatae fuerunt violenter. 2. Committitur in hac abiectione *ἐπερὶ τῆς φύσεως*: Quæstio est, utrum animus Magorum arte Magica extra corpus abripi possit, corpore relicto: Concluditur hoc argumento, corpore exportari Magos & Sathana & in sublimem per aërem vehi, de quo Controversia adeò non est. Quanquam & hæc ipsa exportatio interdum revera non fit, quod ex eo dijudicari potest, quod sibi contigisse scribit *Johannes Baptista Porta l. 2. de maga. natur. c. 26.* cujus verba hæc sunt: Incidit, inquit, mihi in manus vetula quadam earum, quas à strigis avis nocturna similitudine striges vocant, sponte pollicita, brevi temporis spatio allaturam responsa. Jubet omnes foras egredi, qui mecum erant, acciti testes: spoliis nudata tota se unguento quodam valde perfricavit, nobis è portæ rimulis conspicua: Sic soporiferorum vi succorum cecidit, profundoq; occubuit somno: fores ipsi

ipsi patefecimus, multum vapulabat, tantaq; vis soporis fuit, ut sensum eriperetur, ad locum foras redimus, jam medellæ vires fatiscunt flaccescuntq; à somno revocata multa incipit fari deliria, se maria montesq; transmeasse, falsa; depromit responsa: Negamus, instat: Livorem ostendimus, pertinaciter resistit magis. Hæc ille.

Exceptio.

I X. Excipies nilominus ad dicta hætenus. **ACTIONEM ESSE MAGICAM**, ideoq; ad leges naturæ non tam accurate adstringendam. Nam si plurimæ res naturales sint obscuræ & incredibiles, multò magis potentiam actionesq; spirituum, qui longè secus ac naturæ ferat cursus sua cæpta perficiant, animi nostri captum excedere, ideoq; ἐν τῷ ὁρίῳ τῆς φύσεως, si τὸ δῖόν τι

Responsio.

attingi non potest, acquiescendum esse necesse est. Resp. Petitionem committi principii. Quæritur hoc, an, quia actio est Magica, necessitati naturæ sit eximenda. Pertinere has actiones ad Physicam contemplationem dictum fuit thes. 2. Et cum effectus actionis Magicæ sit quid naturale, quod à Mago ad effectum subordinatur itidem sit res naturalis, ut herba, radix, aqua, &c. Cur non & ipsa actio ad statum naturæ sit revocanda? Geniorum quoque vis maxima quidem tanta tamen non est, ut necessitatem & facultates causarum naturalium possit evertere. Sed norunt astutè simul & violenter pluribus modis patientibus adjicere agentia, aggravare vires facultatum, ut gravior eò & celerior producat effectus. Intellectus autem debet quiescere in re obscura, ubi τὸ δῖόν τι assequi non potest, si ipsum τὸ ὁρίῳ τῆς φύσεως, sit certum & indubitatum: Secus quoniam hic evenit, ut ipsum τὸ ὁρίῳ τῆς φύσεως in disceptionem veniat, non potest intellectus in eo, utpote in re dubia & controversa finem inquirendi ponere. Quandoquidem hic, an ita se res habeat, ut vulgo ferrur. in Controversia est positum.

Quæstio II.

An Dæmones cum hominibus congregari & proinde gignere queant?

X. Vidimus primùm, quod circa ipsos Magos & Magas contingere narratur, ἐκστασις nimirum, sive animi extra corpus translationem. Secundum quod circa ipsas Magas evenire putatur, est **DIABOLICUM MAGIS CONGRESSUS** & ex eo **GENERATIO**. Quæritur: Possintne Dæmones verè cum hominibus congregari, & proinde generare; Invenieris non paucos hac opinione imbutos, posse & Dæmones humanis corporibus assumtis cum hominibus copulari, & generare, unde si cum mulieribus congregiantur, Ephialtas sive incubos, si cum viris, hyphialtas seu succubos nasci. Bodinus l. 2. c. 7. Contrà nos sic colligimus: **I. Ubi deest materia generationis, ibi**

neq;

nec ipsa generatio adesse potest. At in Dæmonibus abest materia. *1. Argumentum.*
 generationis, semen puta. E. nec ipsa generatio ipsis potest compe-
 tere. *Minor prob.* Si habent Dæmones semen, aut habent à seipsis, aut
 ab alio. At non habent à seipsis, quia semen non est nisi ab alimen-
 to. *Arist. l. 2. de gen. anim. c. 3.* Dæmones autem alii non possunt. Qua-
 re nec semen habent. *Nec ab alio,* (quod quidem multis placere vi-
 detur, qui si fortasse alicui semen excidat, subdole hoc à dæmo-
 nibus surripit, atq; inde fœtum postea prognerari affirmant, quor-
 sum inclinat *Vallesius lib. de Sa. Phil. c. 8.*) *1.* enim is dicitur generare,
 non qui semen aliorum transfudit, sed qui emisit: Is enim confert
 materiam & efficientem, translator autem nihil ad effectum con-
 fert. *2.* Receptum est in scholis Philosophorum & Medicorum, quod
 virtus seminalis infideat in partibus feminis tenuissimis, hoc est, in
 spiritibus, qui huc illuc transferri non possunt, quin confestim eva-
 nescent, & vim omnem imprægnationis amittant. *II. Si possunt.* *2. Argumentum.*
 congregari dæmones cum homine & generare, generabunt aut Dæ-
 mones aut homines. Non Dæmones, hoc enim dato parum abest,
 quin omnes angulos jamdudum Dæmonibus vidissemus repletos,
 eum secundum *Augustinum cont. Jud. c. 9.* homo ex homine nascitur,
 Diabolus ex Diabolo non item: Non homines, simile enim generat
 simile, nec poterit hic fieri commoda commixtio, cum sint species
 diversissimæ. Rectè itaq; *Damascenus l. 2. de fide c. 3.* Quotquot sunt, in-
 quit, qui essentiam illam, quæcunq; tandem illa fit, ab Angelis pro-
 creatam esse contendunt, horum ore pater ipsorum Diabolus
 loquitur.

XI. *Objicies: 1. Locum Gen. 6. v. 4. Ingressi sunt filii DEI ad filias ho-* *Objeccio 1.*
minum. Ubi per filios Dei dæmones intelligantur. *Resp.* Nomine filiorum *Responsio.*
 DEI non denotantur ibi Angeli aut Dæmones, sed orti ex sancta
 stirpe Seth, nomine autem filiarum hominum earum, quæ erant ex fa-
 milia Caini. Explicatio est *D. August. l. 15. de C. d. c. 23. II. Omnium Ma-* *Objeccio II.*
garum unanimem & constantem esse confessionem, Diabolum assumpta viri for-
ma secum concumbere, quin etiam, si visum fuerit, gravidas se facere velle, quod
cuidam Sage Dæmonem ultro obtulisse, refert Bodinus in præfat. Dæmon. c. l.
2. c. 7. R. Confessio Magarum quia est corruptæ imaginationis, nil *Responsio.*
 probat aliud, quam in concumbendo sensisse se pruritum quendam,
 ut solet Dæmon animo Magi jam demantato lascivam speciem
 suggerens affricui pruritum excitare, quo exagitati Magi mirè de-
 lectantur.

lectantur. Quod ad oblationem Diaboli, multa promittit pro more suo impostor, quæ re ipsa præstare, etiam si totis viribus annis-
Objectio III. tatur, non valet. *III. Sapius esse visos tales pueros, succubos, sive incubos, qui ex demonum coitu nati sunt crediti, quod exempla multorum de-*

Responsio. clarent. Resp. Quod nonnunquam tales succubi sint inventi, qui cum demonibus generati fuerunt dicti, meris id factum est ludibriis Diabolicis, quippe is vel distendit mulieri ventrem, & in partu fucato puerum supponit, ex aëre condensato factum, quem ad tempus ipse movet, per quem ipse loquitur, per quem tam acriter matris fugit ubera, ut vix multarum matrum lac sufficiat, (Lutherus puerum in Saxonia fuisse refert, qui quinque mulierum ubera su-
Instantia. xerit, nec tamen expleri potuerit, consentit Bodinus lib. 2. c. 7.) ad-
Responsio. eo ut verissimè cum Augustino, Hieronymo, Gregorio, Nazianzeno, contra Lactantium & Josephum afferatur, Diabolum in carne non hominem esse; vel etiam infantem aliunde raptum cum alterius matris infante permutat. Attamen, pergis, si potest inferior virtus, ut rana ranam, vermis vermem, virtutem producere, quidni Angelus & Damon tanquam superiores virtutes, corpus producere possint. Resp. Quod potest virtus inferior, potest etiam superior, servando scilicet objectum, ejus virtutis, non egrediendo totam ejus latitudinem. Sic rana ranam potest producere: homo tamen etsi sit nobilioris virtutis, ranam producere non potest. Et sic etiam corpus producere est extra latitudinem objectorum possibilem Angelorum aut Demonum, propter disproportionem ad corpora.

Eorum, quæ à Magis in alios exercentur. **Questio I.** *An homo in lupum transfigurari queat artibus Magicis?* **XII.** Fuerunt ea, quæ Magis ipsis tam quoad animum quam corpus evenire narrantur. Superfluent in actionibus Magicis videndæ ea, quæ à Magis in alios exerceri dicuntur. Hæ variae sunt. Primum non immerito locum obtinet ea, ut dicitur, quæ nihil decantatius, *λυκανθρωπία*, seu hominis in vires, ut suem, lupum, asinum, aut etiam animati in inanimatum, transformatio. Possitne individuum unius speciei sine destructione sui artibus Magicis in aliam speciem contrariam E. g. homo salva manente ratione in lupum transformari? Disquisitionis est. Olavi Magni de Metamorphosi hominum in lupos diversa recenset & incredibilia, l. 18. de animal. Sylv. c. 45. quæ Bodinus tanquam vera credere videtur in med. hist. c. 4. p. m. 75. qui tamen mentem suam apertius declarat l. 2. dam. c. 6. Homines in bestias verti constat forma integrâ permanente, siue potentia Dei sola efficiente, siue per

per Sathanam effectorem atque ad ministrum voluntatis ejus, inquit
l. c. Peucerus idem pro vero habere videtur l. de divm. et si alibi aliter
sentiat. Ovidius Lycaonem Arcadiæ Regem in lupum transforma-
tam narrat l. 2. met. Pomponius Mela l. 2. Solinus c. 25. Gregor. Tolos. l. 34.
Syntagm. c. 16. Herodotus l. 4. Neutris statum tempus esse scribunt,
quo, si velint in lupos, iterumque in eos, qui fuerint, mutantur.
Asinum ordinariæ lectioni Ammonii Philosophi Peripaterici in-
terfuisse legimus, ait Bodinus l. 2. c. 6. Homerus de Circe venefica,
Ulyssis comites ab ea in porcos transmutatos, eosdemque ab eadem
pristinæ formæ restitutos esse refert *odyss.* 10. quod & Augustinus l. 18.
de C. D. c. 17. adducit. Virgilius herbarum & imprecationum memi-
nit, quarum virtute illa fiat transfiguratio. *Ecl.* 8. Et hac hominum
in bruta transformatione apud Veteres quid decantatus? Etiam
Livonibus *λυναιδεωνίαν* hanc hodiernum revera contingere mul-
tis est persuasum, qui tunc Germanis *Wermolff* dicuntur.

XIII. Nos cum Plinio omnis antiquitatis promo condo fidissi-
mo l. 8. nat. hist. c. 22. homines in lupos verti rursusque restitui sibi,
salvo majorum judicio falsum confidenter existimamus. Argu-
mentis ducti: I. si potest homo essentialiter transformari in lupum,
admitteret talem transformationem, aut materia hominis, aut forma.
At neutra horum admittit. E. plane non. Non materia: Hæc duplex,
prima & secunda. Ex prima nihil generatur, sed ex ejus gremio edu-
cuntur omnes formæ: Ex materia proxima & secundâ omnia gene-
rantur, quæ generantur. Hæc quoniam ad certam formam & à cer-
ta forma est determinata, (quandoquidem omnis determinatio
est à forma) non quidem accidentali solum, ut quantitate, qualita-
te, sed substantiali potissimum, non potest esse aliarum formarum
capax. Sic homo, quoniam per illam formam humanam jam est de-
terminatus, non potest esse capax formæ lapidis, aut bruti. Hinc
ergo quodcunque est à forma, est certa specie determinatum. Quod
certa specie est determinatum, non potest recipere speciem diver-
sam. Sic quod ex animali nascatur animal, & non ex bruto, aut la-
pide, fit, quod ista materia per certam animalis formam & speciem
sit determinata: At materia hominis est certa forma determinata,
& per consequens specie ab aliis distincta. E. non potest illa trans-
formationem alius cujusdam materiæ, ut lupi, asini, &c. propriæ
determinationem formæ admittere. Sed nec FORM A talem trans-
B 2

figurationem admittit. Quia actus quilibet definitus est & definitum requirit subiectum. Ergo non potest unius speciei natura actus esse in alia, alias non suo subiecto definiretur, adeoque nec essentia hominis poterit esse in essentia lupi, nec ullum efficiens finitum (Deo excepto, qui infinite & eminentissime agit, quæ vult) ejusmodi metamorphosin producere potest.

Exemptio.

Responsio.

XIV. Excipis: In viribus efficientibus, Diaboli scilicet rem totam esse collocandam. Eum enim, quoniam spiritus est potentissimus quantumlibet forma adversante, contrarium subiectum inducere posse. CONTRA. Aut poterit hoc diabolus efficere naturaliter, aut supernaturaliter. At naturaliter id præstare non potest. Quia ad naturalem transmutationem animatorum requiritur non tantum ejus substantiæ, quæ est in aliam transmutanda, corruptio, sed etiam generatio ejus substantiæ, in quam alia est transmutanda. Diabolus autem de novo propria virtute generare non potest aliam substantiam, quia spiritus est. Neque supernaturaliter, quia ad supernaturalem transmutationem requiritur annihilatio & creatio immediata, quarum neutra in diabolum cadit, sed est solius Dei propria.

XV. I. Argumentum: Aut forma hominis in ista metamorphosi manet, aut interit. Non hoc, quia 1. tolleretur animæ immortalitas. 2. non posset redire, quod tamen de lycanthropis asserunt. Neque illud: Siquidem aut in proprio manebit corpore, aut soluta ab hoc in aliud tamdiu migrabit. Non prius, siquidem corpus humanum mutari dicunt in lupinum, quomodo verò anima rationalis in bruti corpore esse potest? Annon animal irrationale foret rationale, quod contradictionem involvit? Non posterius, quia forma certa & specifica est determinata materiæ certæ, ut alteri communicari non possit. Et ut appareat luculentius, vana esse quæcunque de fictitiis *λυκανθρωποις* referuntur, omnia, merosque esse lusus & fraudes diabolicas, quibus phantasias hominum perturbat, addemus Exemplum cujusdam, qui & se quotannis bis ita mutari solitum somniavit. Referunt hoc à Doctis. Viro Georgio Sabino in interpret. l. 7. Metam. Ovid. atque ex eo à Camerario Cent. 1. medit. cap. 72. cujus verba sunt hæc: Apud Borussos fama est, inveniri Lycanthropos & homines, qui quotannis in beluas mutantur, à quibus nuper unus fuit captus, & duci Prusie adductus à Rustico, quorum jumenta dilaniasse credebatur. Erat homo deformis, nec multum feræ ab similibus, habebatque vulnera in facie, quæ dicebatur accepisse morsus

morſus à canibus. Is à quibusdam, quibus Princeps id negotii dederat, interrogatus aiebat, ſe quotannis bis ita mutari ſolitus, primo circa Natalem Chriſti, deinde circa Johannis Baptiſtæ Feſtum, iis-que temporibus efferari ſe & cogi impetu quodam naturæ verſari in Sylvis intra lupos: maximo autem horrore & languore corporis ſe affici, antequam pili erumperent, & forma mutaretur. Hæc affirmanti ſunt credita. Sed cum ad explorandam rei veritatem diu in arce captus detineretur, & diligenter à cuſtodibus obſervaretur, an aliquando lupus efficeretur, retinuit ſemper eandem formam, quam habuit. Is fuit exitus fabula. Unde patet, ea, quæ de ambiguis lupis narrantur, eſſe falſa, utpote quæ homines mente capti ſibi imaginantur. Hæc Sabinus.

XVI. Quid ergò tandem, inquis, de *Λύκαϊς & γυναικας* & ſimilibus transformationibus tantopere apud Veteres decantatu ſtatuendum? Reſp. quæm Ariſtoteles lib. 7. Ethic. c. 1. deſcribit feritatem, quæ appetitum humanum in beluinum perverſa ratione, convertit, ejusmodi ego ipſam *Λύκαϊς & γυναικας* eſſe, non figuram aut formam, ſed appetitum humanum exuentem, affirmarim. Illius ipſe loco citato triplicem assignat cauſam. 1. Eſt humanorum morum in beluinos degeneratio. Ea eſt quarundam gentium feritas, ut nudo incedant corpore, in ſylvis palent, carnibus crudis etiam humanis veſcantur. Plinius l. 8. c. 38. l. 6. c. 17. 2. Eſt morbus corporis graviffimus, Phantaſiam inprimis vehementer vitians, unde vitio humorum ſæpè excitantur fœdæ perſuaſiones, Kerckerm. curſ. Phil. diſp. 14. quaſt. 12. appetitus ferini & deſideria abominandorum ciborum. Mixaldus Cent. 1. memor. aph. 28. 56. cent. 7. aph. 78. Sic Petro Pomponatio celebri olim in Italia Medico oblatuſ eſt æger lycanthropia laborans, quem ruſtici forte ſub fœno reperit, captumque, quia ſe lupum eſſe clamabat & urgere illos jubebat, ne ab illo devorarentur, exoriare cœperant, ut explorarent, an verſipellis eſſet, hoc eſt, inverſos pilos haberet, ſic enim opinione vulgi erant perſuaſi: ſed Pomponatii Medici interceſſione dimiſſuſ & peridonea medicamina curatuſ fuit. 3. Cauſa eſt prava conſuetudo & diuturna bacchatio. Sic Cleomenes Spartanorum Rex ex longa cum Scytis helluatione eò feritatis pervenit, ut proprios ſibi artuſ ferro obtruncaret. Quarta addi poteſt putatæ lycanthropiæ cauſa, ſavitia ſcilicet Diaboli, qui impioſ quidem omneſ ad diſſolutam vitam adducit, quorum autem animoſ per vim occupat, eoſ ad facinora impia non humano, ſed beluino planè appetitu compellit. Hinc

Camerarius
cent. 1. c. 72.

rationem & melancholiam turbat, nonnunquam planè evertit:
falsasq; species oculis objicit. Nihil ideò mirum, si nonnunquam
vel hominum petulantiorum, vel agrorum sensus variis & vanissi-
mis illusionibus præstigiisq; sint decepti, ut ea putarent videre, e.
g. urfos, lupos, feles, quæ nil nisi præstigiæ & falcinationes fuerunt.

XVII. Ne autem *αλόγως* prolata hæc videantur, modos brevi-
bus subjungemus, quibus veterator ille cum primis ludere solet.

Tribus ergo modis mira sua præcipuè perficit. I. *Verum objectum
removendo.* Erfordiæ Monachus visus est rustico currum fœno
adimpletum nec non & equos currum trahentes uno & altero ri-
tu penitus devorare. Hoc enim Monachus rustico, eò quod de
via cedere nollet, minitatus fuerat. At paulò post rusticus & cur-
rum & fœnum & equos salves extra urbem in loco quodam inve-
nit. Eo scilicet Sathan tantam molem deportarat. II. *Falsum &
phantasticum objiciendo.* Sic de Comite quodam Aspremontense nar-

de dam. 6.4.

Cammerius

deus. 1. 6.70.

rat Bodinus, quod domum ad se venientes tractare magnificè exci-
pi solitus, adeò ut accurati cibi, officia, omniumq; rerum
copia turmis eò divertentibus summopere satisfacerent. Sed hæc
omnia falsissima & præstigiatoria arte, introducta fuisse docuit
convivii finis. Postquam enim diu lauteq; se cœnasse hospites exi-
stimarunt, fame deinde & siti, quamprimum ab eo exire oppres-
si fuerunt. III. *Sensus hominum pervertendo.* Testatur hoc exem-

Cammerius

deus. 1. 6.70.

plum *Johannus Fausti*, Cudlingensis, Mag. exquisitissimi: Quicum
aliquando apud notos diverteret, qui de ipsius præstigiatrici-
bus actionibus multa audivissent, petierunt ab eo specimen quoddam
artis suæ. Quod cum ipso diu multumq; tenuisset, opportunita-
te tandem sodalitii ebrii victus, promisit, se illis, quodcunque ex-
peterent, exhibiturum. Unanimi igitur consensu postularunt, ut
illis vitem plenam racemis exhiberet. Hoc cum se facturum re-
cepisset, serio interminatus est, ne quis ullam uvam decerperet,
donec ille juberet: secus si facerent, imminere periculum capitis.
Consensere omnes: mox ludibriis suis huic ebriæ turbæ ita oculos
perstrinxit, ut illis tot uvarum miræ magnitudinis & succi plenæ
in vite pulcherrima apparerent, quot ipsorum adessent. Rei itaq;
novitate capti & ex crapula sitibundi summis suis cultellis exspe-
ctarunt, ut illos uvas rescindere juberet. Tandem cum illos a-
quandiu in errore suspensos tenuisset, *Faustus*, subito infumum
abente

abeunte vite cum suis uvis, conspecti sunt singuli tenentes locum
væ, quam unusquisque apprehendisse videbatur, suum nasum, ap-
posito superne cultello, ita ut si quis immemor præcepti dati uvas
secare voluisset, seipsum nato mutilasset. Quis ex his non vider,
Diabolum in primo exemplo verum objectum abstulisse, in altero fal-
sum objecisse, in tertio verò sensum, visum, tactumque penitus
pervertisse.

XIIX. Eosdem ergo & similes lusus in hac sic dicta *λυκανθρο-
πία* exercere diabolum concludimus. Scilicet hominibus in quodam lo-
co alto sopore oppressis (deprehenduntur enim isti lycanthropi alicubi
sterrere. Peucerus de divina. pag. 144.) corpus lupinum assumit, aut ex æte-
aliave materia sibi format, & talem cladem excitat, qualem hominem perpe-
trasse volunt, (Exemplum habet idem loco citato) propterea quod vulnera
apertioribus aut viatoribus isti lycanthropo influcta ejus in corpore appareant,
cum tamen diabolus id ipsum vulnerare queat: Vel etiam homini furore agita-
to (tali enim societate gaudet) eximias ferarum affrabe aptat, vel similem
effigiem ac formam æream illis circumdat, non verò substantialiter mutat.

XIX. Ex prædictis omnibus patet liquidò, præstigias Magicas &
ipsam sic dictam lycanthropiam nihil veri ac solidi ostentare, Ma-
gica q; artis peritiâ nil nisi ad circumscribendos oculos valere,
eæq; quæ fascinati imaginantur, præter imaginamenta & lusus nul-
lam actionis & essentia veritatem habere. Etsi autem hæc sint ve-
rissima, & rationibus solidis enervari non possint, inventi sunt ta-
men viri non ineruditi, qui nescio quo consilio ducti, aut quo affe-
ctu moti, contra sentire & disputare sunt ausi. Quorum ne quid am-
biguitatis superfit, rationes contrarias paucis examinare placet.

XX. Obijciunt ergo: I. *Exempla e Sacra petita, quibus, ut ipsis qui-
dem videtur, homines in bruta & inanimata conversi narrantur. Ut exemplum
Nabuchodonosori in bovem mutati, Dan. 4. v. 30. Uxoris Loti in statuam
converse, Gen. 19. v. 26. baculorum à Magis Ægyptiis in dracones commu-
tatorum, Exod. 7. v. 12. Resp. I. Generaliter: Argumentum nil conclu-
dit: Queritur: An artibus Magicis homines transformari possint in beluas? Hic concluditur: Ergo divinâ potentiâ quidam mutati
leguntur. Concedi potest totum. Addo: Quæ divina vi præter
naturæ sunt leges, à Magicis lusibus toto genere ibunt separanda.
2. Specialiter ad Exemplum Nabuchodonosori. Ex toto contextu
historia*

historiæ sacræ apparet, non ἡμεῖς eum in beluam mutatum fuisse, sed solum ratione privatum phantasia & affectu beluino laborasse. Quod uxorem Loti transformatam attinet, fuit ea iudicio & ultione divina in statuam salis conversa. Quid autem hoc ad potestatem Dæmonum aut Magorum? Quod autem ad baculos à Magis Aegyptiis in dracones conversos, 1. non æquè operosa est baculi in serpentem transformatio, atq; hic transitus, qui ab homine ad brutum tendit. 2. disceptatur, an baculi revera sint transmutati? Josephus sanè. l. 2. antiq. 5. Wierus l. 2. c. 8. Casmannus in Angelog. par. 2. c. 18. q. 4. existimant, incantatores præstigiis fascinaſſe oculos spectatorum, ut baculi ipsis serpentes viderentur. Eſt autem certum eſt, Magos ſolere hoc facere & poſſe: quia tamen serpentes Magorum devoratos eſſe à serpente Moyſis aſſeritur, quod per præſtigias factum non fuit, quandoquidem Deus nemini illudit: ideò probabilior quorundam Patrum videtur opinio, exiſtimantium, diabolum remotis baculis serpentes aliundè allatos produxiſſe. Ut ut ſit, poſſunt Magi per generationem æquivocam mixta ſenſibilia, ut muſcas, mures, ranas, serpentes, producere. Ab hac autem actione ad eſſentialem hominis in beluam tranſmutationem nulla eſt ſequela.

Objeſſio II. XXI. **Objiciunt II.** *Exempla muliercularum Magarumq; conſitentium ſe in lupos tranſmutatas fuiſſe, oſtendentium item in propriis corporibus vulnera, qua in iſta imagine ſibi illata eſſe aſſeverant.* **Reſp.** Diabolus ſenſum iſtarum muliercularum ita pervertit, ut exiſtiment ſe canes, feles, lupos, aut ſimile quid eſſe. Certè ſi hæc confeſſio quid probat, mortuum ſe eſſe quidam, gallum alius, urſum ſe eſſe ſomniavit quidam, alius capram, leonem, &c. ſe eſſe confeſſus eſt, mirum ni & hoſtales re ipſa extitiſſe affirmariſ! Quod ſi vulnera in corporibus oſtendant Sagæ, benè reſpondet Lutherus, Magas illas domi à Dæmone ſauciari. Deinde ut alius perſuadeat Sathan, non à ſe, ſed ab aliis vulneratas eſſe, effingit, ut eſt aſtutia, ejusmodi imaginem, quam mulieris phantaſiæ jam antea impreſſit, alicui obviam mittit, occaſionemq; dat, ut ſpecies immiſſa & ſub illa ipſæ Magæ vulnerata eſſe videantur. Adde Theſſ. 18.

Objeſſio III. XXII. **Objiciunt III.** *vulgaſiſſimum hodie eſſe lycanthropi ſermonem in ore omnium, & in Livonia loſuq; finitimis multos huiusmodi lupos hodieum paſſim adhuc vagari.* Ideò non vanam eſſe λυκανθεωπῶν ſamam.

Reſponſo. **Reſp.** verbis Wieri, quæ habet lib. 3. de præſtig. Dæm. c. 10. ubi ſic inquit.

Si qui

Si qui obvagari in Livonia & locis finitimis videantur lupi noxii, quos Lamias putant, Germanis *Beermolffii* certè vel veri sunt lupi, in ejusmodi tragediam excitati à dæmone, qui interim horum vagis erroribus & actionibus delirorum *λυκαὶ φάντασμα* phantasiæ organa imbuunt vitiatq; , ut ii se esse excursionum erronearum & actionum auctores corrupta imaginati *οὐκ* arbitrentur, fateanturq; , quod quidē in diabolo non est difficile, dum humores & spiritus in hæc ludibria idoneos commover, potissimum quibus atræ bilis nebulae cerebrum vitare solent, cujusmodi plerumq; existit fatuum monstrumq; id genus hominum: vel certè Dæmones censendi sunt ejusmodi lupi, qui eam assumere formam, ut malè credulum hoc hominum genus magis irretirent suis vanis, insontes gravarent, & sanguinis innocentis reum redderent Magistratum. Interea ii, qui se in lupos credunt immutatos, alto immergi somno Diaboli studio alicubi jace-re comperiuntur, quorum somnia iis confundit imaginibus, quas hominum oculis prestigiosè in pueris vel insectandis vel vorandis, sive armento ledendo, aut longè lateq; hinc inde vagando objicit veterator ille. Hæc *Wierus*.

XXIII. Affinis est huic Quæstioni quæstio altera, quâ disquiri solet: An Magi sexum transmutare valeant? Sæpius enim naturaliter virum ex muliere, puerum ex virgine factum fuisse legimus, *Plinius l. 7. c. 4. Gellius l. 9. N. Att. c. 4. Livius l. 24. Mizaldus cent. 8. memorab. cap. 1.* Unde & Diabolum suis artibus idem efficere posse concludunt nonnulli. Verum exempla illa sunt singularia, & verisimile est, istos homines contracto genitali membro intusque adnato in lucem editos, quod postmodum vinculis ruptis prorupit, ut placet *Cardano l. 8. de var. rer.* Quia etiam per generationem æquivocam partes humani corporis generari non possunt, ideoq; talem transmutationem Diabolo impossibilem concludimus.

*Quæstio II.
An Magi
sexum transmutare
possint?*

XXIV. Sic fuit primum, quod Magis ascribitur, hominis nimirum in beluam, & sexus in alium transmutatio. Secundum sequitur Tempestatum, fulgurum, fulminumq; productio. De hac quæritur: Possintne Dæmones & lamie ventos, tempestates, tonitrua, & fulmina in aëre ciere? *Bodinus l. 2. Dem. c. 8. l. 2. Theat. Nat.* Et quod Dæmones quidem attinet, potentia eorum dupliciter consideratur, vel sola, vel cum alia. Si sola consideretur, non potest Diabolus propria virtute tempestates & tonitrua ciere. Operâ solius Dei omnipotentis non potest producere Diabolus, pro lu-

*Quæstio III.
An Magi
possint ciere
tempestates?*

Sicut. Cerrum ex Esai. 42. v. 8. At producere fulmina & tempestates est opus solius Dei, Job. 38. v. 35. c. 48. v. 4. Psal. 72. v. 6. 8. E. ea non potest producere Diabolus. Et sanè si Diabolus in hominum insidias quovis momento intentus fulminis projiciendi tempestatumq; excitandarum potestatem ex se haberet, nã ullibi hominum vestigia nulla extarent. *Si cum alia consideretur, scilicet voluntate Dei & concurrente natura*, utiq; demon tempestates potest producere. Hinc materiam elementarem mirè & variè concutere & commovere potest, unde & ἀέρας τῆς ἐξοίας τῆς ἀέρος vocatùr Ephes. 2. v. 2. c. 6. v. 12. hinc disgregatas exhalationes non solum cogit & componit, ut favillima ingravescant tempestas: interdum etiam nullam suppetente vaporum copia aeris contractu fragorem, compulsiq; nimbos contirat: Sed & in exitium hominum & jumentorum, & deturbationem ædificiorum, calamitatem agrorũ, materiæ motum detorquet. Sic tempestatè & ignem divinitus procreatum ex indultu Dei super oves, Pastores, & filios Jobi trajecit Satanas. Job. 1. v. 16. 19.

XXV. Quod verò ad maleficas illas lamias, earum facultas consideratur quoq; *vel propria vel aliena. Si propria*, non possunt lamia ullam ciere tempestatem. Facerent enim hoc *vel per imprecationes & ceremonias, vel per instrumenta*. At neutro possunt. *Non per imprecationes aut ceremonias*: Quantitatum enim, imprecationum & verborum nulla est efficacia, formarumq; externarum nulla per se est operatio. *Non per instrumenta*, forent enim ea *vel corpora vel incorporea*. *Non corpora*, quæ enim essent tandem illa machinæ, quæ feramenta, quæ huic actioni possent sufficere? *Non incorporea*, essent enim illa verba quædam. At horum nulla efficacia, ut probatur. *Si aliena*, nempe Diaboli virtute, possunt omninò. Malus Damon, (verba sunt Scaligeri ex. 349.) est author fascini, hominemq; illa verba docuit, non ut hominem faceret potentior, sed ut ipsum deciperet credulitate, atq; socium haberet tum impietatis, tum exitii æterni. Hinc non præter fidem omninò & opinionem esse videtur, quod Olam l. 3. c. 16. de Lappis & Finnonibus (apud quos populos maxima idolomania & barbaries) refert, quod certo pretio ventos nautis vendant. Quod si ergo interdum revera tempestates & tonitrua à lamiis cieri dicantur, ea à Diabolo, eo quo diximus, modo excitantur, aut prævisa saltem nunciantur. Is enim ut longo temporis usu edoctus artifex astrorum aspectus Planetarumq; effectus ha-

ber

bet cognitos, tum etiam in regione aërea idoneas ad syderum influxus recipiendos materias in promptu esse novit, ex quibus & quo tempore talia, qualia à strigibus expetuntur, generari posse prævidet: hinc astute Magas exagitat, hæc illave parent, quasi vel ob invidiam in proximū, vel vindictam adversus inimicum, illis, quæ pararunt, aerem sint turbaturæ, tempestatesq; excitaturæ. Hinc sagas instruit, ut quandoq; silices post tergū occidentem versus projiciant, aliquando arenam aquæ torrentis in aerem projiciant, plerumque scopas in aqua intingant, cælumq; versus spargant, vel fossula facta aquaq; infusa digito aquā commoveant, & alia id genus deliramenta parent. Atque ut arctius eas illaqueet impostor, diem & horam ex dictis rationibus sibi notas præfigit. Ubi succedit eventus, de suo artificio & virtute gloriantur parum integræ mentis anicula.

XXVI. Fuit etiam secundum, quod à Magis effici jactitatur, tempestatum pluviarumq; productio. Tertium est: Morborum necisq; in homines aut pecora immissio. Quæritur: I. Possintne Sagæ morbos vel necem ipsam hominibus aut jumentis immittere? Possunt certe Dæmones indultu Dei varios hominibus morbos inferre, quod vel ex historia Jobi constat. 2. v. 7. immò cum sint spiritus tenues & incomprehensibiles, insinuant se quandoque corporibus hominum, atq; in visceribus operiri valetudinem vitiant, morbos citant, mentesq; furoribus quatiunt. Veruntamen non omnibus nocere possunt, sed iis solum, quos Deus suo judicio permittit sive bonos sive malos, hos castigandos, illos explorandos. Interdum tamen causarum naturalium corpus ad morbum primum reddentium insultus accedit, unde Dæmones τὰς ἀσθενείας τοῖς ἀσθενέσι singulari sæpè modo evocare & exacerbare norunt, & hac ratione morbos inferre. Quandoque alimentis & pabulis admiscunt venenata; hinc occasionem præbent eundi per loca putridis & virulentis habitibus scatentia. Hinc Sagas nonnunquam venena defodere jubent, qua hominibus pecudibusve via est, quibusque in locis commorandum. Quibus rebus in corpora intromissis aliàs spiritus vitales inflammantur, & aut σβέσις repentina, aut μάρανσις lenta inducitur: aliàs maligna & mordax qualitas impingitur nervosis partibus, unde intollerabiles cruciatus. Sagæ verò suis artibus ne minimum morbum inferre possunt, nisi id mediis naturalibus tentent: (quæ tum actiones non sunt Magarum propriae.) Sed si

Quæstio III.

An possint
Sagæ homines necare
aut morbo afficere?

qui inferuntur, à Diabolo inferuntur permiffu D E I. Ipfe Dæmon (verba funt Scaligeri exerc. 349.) agit; ftultus ille ac vecors (Magus) fuis fe verbis agere putat. Non verum eft, ab homine homini nocere poffe verbis. Sæctatoribus tamen fuis, quos fcit nocendi cupidos, venena quandoq; exhibenda ipfe tradit: Diabolus manum admove- re, pulveres, liquores decoctos, & alia, fpargere jubet, (qua tamen fparfione id quod intendunt Magi, nullo modo efficitur, cum nulla adfit virium inter agens & patiens proportio, nullus item contactus) ut plurimum folum perfuadeat, fi quem morbum vel fponte, vel fuo etiam subsidio futurum, vel etiam nunc factum animadvertit, fi certa quædam parent, his omne, quod evenerit, acceptum refer- ridebere. Dices: Cur autem venenum, quod Magus alicubi deponit, non ipfum potius Magum, quam alium corripit? An quia diverfa eft conftitutio cor- porum, aliis ad contagium proclivioribus atq; aliis? an monet Dæ- mon, ut caveat? An αλεξιφάρμακον addit? Probabilia funt omnia.

Quæftio II.

*An vetula
visu effasci-
mare possint
homines?*

XXVII. Quæritur II. An folo intuitu nocere morbumve inferre vetula poffint? Ita putantur vulgo homines, infantes præfertim emaciare, qui morbus *fascinatio* dici folet. At nō intuitus, fed halitus venenofus ex ore quandoq; emiffus & contagium lædit. Deinde & pufillanimi- tas & pavor afpicientis, fi quid aliud, morbum inferre poteft. Nam qui vetulam extimescit, dum malè compositum vultum intuetur, fua fibi cogitatione malum conflatur. Neq; enim leves funt motus fpirituum & humorum, qui intensa imaginatione excitantur. Sapē qui cibum fastidiosum ab alio comestum videt, etiamfi non odore- tur, fola imaginatione ad vomendum adigitur. Pueri baculo percuf- fi sævèq; vultu à vetula territi in morbum incidunt, qui vulgò effasci- nati creduntur. Quod autem Plinius l. 7. N. A. c. 2. Gellius l. 9. N. A. c. 4. de Triballis & Illyriis quibusdam tradidere, qui visu effascinarint, quos diutius funt intuiti, huic non officit fententiæ. Non enim illi fpiritu exitiofo ex oculis emiffio effascinarunt, fed metus afpicien- tis morbum intulit. Quia enim in illorum vultu dirum quid Natura efformavit (fuerunt enim gemina in oculis pupilla cognobiles) ejus intuitu metus & cōfternatio tantaq; ad cor compressio facta eft, ut perfeverante infpectione cor angustia opprimeretur, & pro- hibita eventatione omninò fuffocaretur. Hinc iratis oculis nocuiffe, quia major tū truculentia: hinc puberes interemiffe, qui distinctius, quam pueri, quæ in vultu funt, colligunt, perhibentur. Sic quod
vultui

vultui hominis est impressum, simul atque diligentiori observatione fuerit observatum, singulares in animis motus excitat, quibus vel ad amorem vel odium, merum, commiserationem rapimur, etsi de moribus nobis non constet.

XXIX. Quæritur III. *Utrum Mage conjuges ligare queant, ut sobolem de se propagare non possint?* *Quæstio III.
An Sage
conjuges li-
gare possint?* Frequens est in praxi Magarum maleficium istud ligaminis, quo conjuges ligare solent, ut procreationem prolis promovere nequeant. Et possunt sanè Dæmonis operâ genituram destruere medicamentis, organa generationi data vitare & ad congressum inepta reddere, & vel retrahendo intra abdomen, (quod cuīdam Spirensi contigisse memoriæ est proditum) vel alio modo congressum impedire. Ligaturas autē constrictas, herbas sub lecto repositas, Veneri obstaculo esse, & si talia lectis libidininis refranandæ ergo à nonnullis substrata esse constet, *Camerarius cent. 1. c. 1.* imaginamentum merum est. Præterquam enim quod multa è natura possint esse coitus impedimenta: non rarò contingit, eam esse amoris violentiam, ut spiritibus omnibus intra ad præcordia concentratis, partibus genitalibus, quas spiritu turgere oportet, nulla suppetat copia, unde generatio prohibetur & coercetur.

XXIX. Fuit etiam *Tertium. Quartum*, quod Magis ascribitur, est *Quæstio IV.* *Morborum sanatio, valetudinis confirmatio.* Quæritur? *Possintne Mage mor- An Sage
bidos sanare, valetudinemq; restituere?* *possint vale-
tudinem re-
stituere?* Possunt omninò: sed tamen sanationes istæ mediis auxiliisq; naturalibus instituuntur. Nam & causam arcent noxiam, quæ forinsecus sive ultrò, sine ipsorum opera Dæmonum irruit, & salutaria undecunq; auxilia, quibus blande demulceatur & alteretur malum, corpori subministrant. Quæ cum ipsæ subito & affatim parent, sanationes celeriter & præmaturè absolvuntur. Morbos autem, quæ Magicis artibus sunt immissi, nec omnes nec semper se sanare posse ultrò fatentur Mage. *Bodinus l. 3. c. 2.* Qui autem sponte acceperint morbi, si à Sagis sanantur, non est hoc Sagarum proprium, sed cum multis aliis commune. *Veruntamen non possunt recitatione verborum suorum, quod sibi persuadent Magi, ullum morbum sanare.* Verba enim prolata & scripta si inprimis dematur formale seu usus significativus conceptuum, quoniam nil aliud sunt, quam meræ quantitates (sunt enim numerus literarum & syllabarum) non potest eorum ulla esse efficacia, cum omnis operatio sit à forma, quæ per qualitatem est efficax. Quod autem quosdam

C 3

morbos

morbos certorum recitatione verborum sanari nonnunquam videamus, ut fit in hæmorrhagia: non verbis hæc sanatio est adscribenda, sed persuasione & verbis concepta. Ut enim anodyna, (quæ vocantur) dum animû prostratum recreant, & spiritus à parte dolente avocatos aliò traducunt, doloris sensum obliterant: Sic influxu sanguinis recitatis certis verbis, si firmâ accedat persuasio, spiritus ad contrarium motum abripiuntur, sanguinisq; eruptio sistitur.

XXX. Vidimus & quartum, sanationes scilicet morborum, quæ Magis adscribi solent. Quintum & ultimum Magicarum actionum restat, gratiæ nimirum opumq; procreatio. De hac disquiritur: *An possint Sage artibus suis gratiam procerum, honores, divitias, pulchritudinem conciliare?* Amicitiam & odium certum est voluntate hominum comparari. Gratia quoq; procerum, honores, divitiæ, pulchritudo, sunt dona DEI, à Deoq; expectanda, non à Magis experenda. Et Gratiam quidem quod attinet, Magos ipsos invisos esse ubiq; & in odio capitali haberi apud plerosq; videmus. Quare ne sibi ipsis quidem nedum aliis gratiam conciliare valent. Quod ad honores autem & dignitates, constat, non alios homines magis contemptui & abominationi esse atq; ipsi Magi. Neronem, postquam Magicis artibus se devovisset, è solio deturbatum, probris à quolibet laceratum, atq; ab omnibus despectui habitum refert Suetonius in Nerone. Quod ad divitias, nunquam adhuc extitit Magus, qui sua arte dives evaserit: imò quicunq; divites Magicis sese addixerunt artibus, ut divitiis augerentur, in paupertatem abiit: egentes verò paupertatem & egentiam toto vitæ cursu ferunt. Pulchritudinem verò quod attinet, tantum abest, ut Sage aliis pulchritudinem conciliare queant, ut ipsæ sint maximè deformes & abominabiles: Neq; enim unquam comperta est Saga, quæ suis incantamentis unguentisve sic fucare faciem potuerit, ut visa fuerit speciosior, sed contrà omnes ceu ex furiis ortæ apparent. Hæc igitur & similia falso ascribuntur Magis, illorumq; ritibus & deliramentis. Non enim quia quadam in commemoratorum successum administrantur à Magis, res ipsæ succedunt: Sed quia verè jam evenerunt aut eventuræ sunt, Dæmonum hortatu talia ab istis peraguntur.

XXXI. Hactenus actiones Magicæ, tam ea, quæ Magis ipsis evenire, quam quæ à Magis in alios exerceri dicuntur: Sequuntur actionum Magicarum probationes, è quibus Magicæ crimen evinci potest.

Varia

Quæstio IV.
An Sage
possint divi-
tias, hono-
res, grati-
am, for-
mam conci-
liare?

Varia quidem sunt tam probationum indubitatarum, quam præ-
sumptionum adversus Sagas genera, quæ fusè videas apud recensentem Bodinum l. 4. Dam. c. 1. 2. 3. &c. Nos unicum illum probationis Sagarum per aquam frigidam modum consillis in locis usitatum, hoc loco dispiciemus: quæ situri: *Quæstio? Quid de examine Sagarum per injectionem in aquam frigidam sit statuendum: Sitne certum & infallibile ad evincendum Magiæ crimen:* Probatio peragitur hoc ritu: Pedibus manibusq; ligatis & vestibus prius exutis hac ratione vinciuntur Sagæ, ut dextri lateris manus sinistri pedis pollici, & vicissim sinistra manus dextro pedis arcè colligetur, ut ne minimum quidem se aut corpus movere possint. Ligatæ hoc pacto in aquas coniciuntur: Si supernatârint, criminis Magiæ probatio est: Si submersæ fuerint, innocentia est indicium.

XXXII. *Wierus* quidem Philosophus, Medicus l. 6. de præ. dam. c. 7. huius examinis mentionem faciens illud nihili faciendum & contemnendum esse concludit. Consentit cum eo *Timplex* l. 3. Apfy. c. 2. q. 12. Verum ut ut sit, non omninò vanam esse illam Sagarum per aquam probationem, sed præsumptionem Magiæ validissimam inde peti videtur. *Philarchus* in Insula Ponto genus quoddam hominum Magiæ Diabolicæ maximâ ex parte peritissimorum reperiri refert, quia nulla ratione in aquis submergi possint, ut maximè pluribus vestimentis aggraventur; unde præsumptio Magiæ certissima de illis sumatur. Et sanè cum omnium Academicorum simul ac Peripateticorum unanimis & concordans sententia sit, levia ferri sursum; gravia verò deorsum: Istæ autem mulieres etsi corporibus constent gravibus, nihilo minus àquis supernatent, omininò præsumptio oritur validissima, mulierculas huiusmodi fœdus cum Diabolo iniisse. Et si enim eadem sit corporum in Sagis, quæ est aliorum, constitutio, manente scilicet eadem forma & materia: Diabolus tamen ab eo tempore, quo fœdus cum iis iniit, corpora Sagarum variè ita exercet, ut etiam contra, quam propensa sint, violenter ea interdum commoveat, quemadmodum hoc vel ex eo patet, quod interdum in aerem motu rapidissimo illa attollat, ut thes. 8. dictum. Sed nos ulteriorem huius Quæstionis discussionem *JCtis* relinquimus.

A U C T A R I A.

I. Sagæ cum torquentur, plerumq; non solent lacrymas emit-
tere. *Causa* esse potest: 1. *pertinacia* & contumacia Diaboli in pri-
mis instinctu in Sagis producta. Et videmus quandoq; pueros, qui-
bus

bus naturā lacrymæ sunt familiares, obstinatos ad sanguinem usque
cassos, ne lacrymam emittere. 2. *Stupor vehementissimus*: sic in malis
insperatis lacrymis locus esse non solet, *Camerarius cent. 1. c. 29.* 3. *Tor-*
por membrorum, qui sæpe & in aliis lacrymas solet comprimere.

II. Affectionem illam, quæ dormientibus, qui tergo incum-
bunt, evenire solet, Græcis ἐφιάλης, Germanis die Wahre / di-
ctam, vulgus vetularum spectri quoddam genus esse credit supersti-
tiosè: cum tamen ex causis naturalibus suam habeat originem. Si
quis enim tergo incumbat, fit, ut spina dorsi, & quæ sub ea, cor ipsum
propius attingant & premant, qua compressione ejus motus non nihil
impeditur: impedito motu halitus & fumi crassiores circa illud col-
liguntur, qui deinde in cerebrum ascendentes monstrosas imagina-
tiones & terribilissima gignunt, quasi spectrum adsit, quod pectus
comprimat. Quin & corde ita pressio pulmones premuntur, & vox
velut intercipitur, ita ut hoc affectu pressi, opem aliorum implora-
turi, pulmones commovere & vocem edere nequeant. Lemnius de
mir. naturæ l. 1. c. 3. & 5.

III. Cum sanatio vulneris includat alterationem, alteratio au-
tem requirat alterantis & alterati contractum vel mediatum, vel im-
mediatum; sequitur planè superstitionem esse illam ὁπλίστην, id
est, curam aut inunctionem armorum ad sananda absentium vulne-
ra. Quandoquidem hic neq; *contractus immediatus* est unguenti ad vul-
nus, testante ipso sensu: Neq; *mediatus*, cum in omni contractu medi-
ato corpora inter media apta sint ad recipiendam vim alterantis:
Sic corpora internos & cælum interjecta apta sunt ad recipiendam
vim alterationis cæli: Ferrum autem & aër planè non sunt corpora
idonea ad recipiendam vim sanativam unguenti: cum ista non sint
corpora sanabilia, ut nec vulnerabilia sive morbis obnoxia.

IV. Aërem esse Elementum humidissimum contra *Bodinun*
The. Nat. Timplerum l. 1. Apfy. c. 5. 9. 5. aquam præferentes, asserimus.

V. Animalcula quædam in igni gigni & vivere, testantur *Aristo-*
teles l. 3. de gen. anim. c. 11. l. 5. hist. anim. c. 19. Plinius l. 12. c. 36. Sed rectè
Marsilius cognatus Philosophum explicat l. 1. c. 23. quod Philosophus
ea tantum referre non affirmare videatur. Cum contrarium ex ipso

Aristotele demonstrari possit. Vide *l. 4. meteor. c. 1. l. 2.*
de generat. animal. cap. 3.

F I N I S.